

799 qui cum Christo ad iudicium venturi sunt; de quibus est Ambrosius, Augustinus,  
 Oct. Hieronimus et caeteri, quos tu, Albine, refutas et hereticos iudicas? De quibus psal-  
 Ps. 18, 2. mista ait: 'Caeli enarrant gloriam Dei'. Item beatus Augustinus in epistola sua ad  
 Euodium directa<sup>1</sup>, ubi de trinitate et columba, vel de adoptione filii Dei disseruit,  
 post plura superius edita sic dicit: 'Sicut pater in voce qua sonuit: Tu es filius meus, 5  
 et filius in homine (adoptivus), quem suscepit ex virgine et Spiritus sanctus in colum-  
 bae specie corporali'. Item post aliqua<sup>2</sup>: 'Atque ita et filius Dei simul cum homine  
 (adoptivus<sup>a</sup>) dicitur, (et filius hominis adoptivus simul cum verbo dicitur)<sup>3</sup>. Item post  
 aliqua: 'Unde filius Dei incommutabilis est atque coaeternus patri, sed in verbo solo;  
 (et passus est filius Dei, sed in homine adoptivo solo); et sepultus est filius Dei, sed 10  
 in carne (adoptiva sola). Proinde<sup>4</sup> quae de filio Dei verba dicuntur, videndum est  
 secundum quid dicantur. Non enim homine assumpto (vel adoptivo) personarum  
 numerus auctus est, sed eadem trinitas mansit. Nam sicut in homine quolibet praeter  
 unum illum, qui singulariter susceptus est, anima et corpus una persona est, ita in  
 Christo verbum et homo (adoptivus) una persona est'. Item post aliqua: 'Ita Christus 15  
 Dei filius dominus gloriae et si quid huiusmodi secundum verbum dicitur, et tamen  
 recte dicitur dominus gloriae crucifixus: cum hoc eum secundum carnem adoptivum  
 passum esse, non secundum illud quod dominus gloriae est'. Et post pauca<sup>5</sup>: 'Spiritus  
 sanctus dicitur corporali specie tanquam columba descendisse et mansisse super eum.  
 Sic enim et petra Christus, quia significabat Christum (adoptivum)'. Item post aliqua<sup>6</sup>: 20  
 Haec tibi de duabus quaestionibus tuis, hoc est de trinitate et columba, in qua  
 Spiritus sanctus non sua natura et significativa specie demonstratus est, sicut et filius  
 ib. 109, 3. Dei non sua nativitate de patre dicit: 'Ego ex utero ante Luciferum genui te', sed  
 in homine adoptivo ex utero virginis natus a Iudaeis crucifixus est.

His saepe dictis cum epistolam tuam iterum atque iterum sacrilegam, letali 25  
 veneno corruptam, atque ignorantiae caligine tenebrosam relegissem, reperi ibidem,  
 quod nos dominum Dei filium ex virgine natum negaremus nequaquam esse essentia-  
 Ioh. 10, 30. liter Deum, de quo ipse Dei filius: 'Ego et pater unum<sup>b</sup> sumus'. Reminiscere debes,  
 Prov. 19, 5. quid scriptura dicat: 'Testis falsus non erit impunitus'. Et illud: 'Maledictus homo,  
 qui in corde suo fabricat<sup>c</sup> malum et de labiis suis fecte loquitur pacifica, sed Deus 30  
 2. Tim. 4, 14. qui videt omnia, reddet illi secundum opera sua'. Ego quidem non Deum Dei filium  
 ante saecula ex patre genitum, per quem facta sunt visibilia et invisibilia, spiritualia  
 atque corporea, quem credo adoptione<sup>d</sup> non esse, sed genere; neque gratia, sed natura  
 Deum esse negavit. Sed iuxta beati Isidori<sup>e</sup> sententiam, qui dicit<sup>7</sup>, quia sunt non-  
 nulli<sup>f</sup> qui de filio Dei prava sentiunt et quod de illo secundum humanitatem dictum 35  
 est, transferunt ad divinitatem; et quod de divinitate mutant ad humanitatem. Noster  
 tamen Iulianus dicit<sup>8</sup>: 'Homo dominicus et humanatus Deus'.

Multa quidem adhuc erant huic operi inserenda, sed sermo divinus nos prohibet  
 Ezech. 3, 26. dicens: 'Linguam tuam adherere faciam palato tuo et eris mutus, nec quasi vir ob-  
 iurgans, quia domus<sup>g</sup> exasperans est'. Idcirco ve tibi Austria, altera<sup>h</sup> Alexandria, 40  
 quae novum Arrium, id est Albinum, genuisti tempore gloriosi principis ad evertendam

<sup>a</sup>) suscepto Aug. pro adoptivus. <sup>b</sup>) unum sumus inc. fol. 7<sup>i</sup> Pa. <sup>c</sup>) fabricas Pa. <sup>d</sup>) adoptionem Pa.  
<sup>e</sup>) Ysid. Pa. <sup>f</sup>) quia nulli Pa. <sup>g</sup>) dominus Pa. <sup>h</sup>) vae tibi ed. pro altera.

1) Epist. 169 c. 2 § 5 (Opp. II, 605). Quae uncinis inclusa S. Augustino afficta sunt ab Eli-  
 pando. FROB., cf. Advers. Elipand. l. II c. 12. 13 p. 893—894, ubi Elipandus ab Alcvino falsi arguitur. 45  
 2) August. § 7 col. 606. 3) Cf. Alcvinum ad hunc locum: Haec verba numquam sancti Augustini fuerunt,  
 nec etiam ullius catholici doctoris vel discipuli. 4) August. § 8. 5) Ibid. § 9. 6) Ibid.  
 c. 4 § 12 col. 607. 7) Hunc locum non inveni. 8) Toletanus archiepiscopus. Locum non inveni.  
 Cf. Alc. advers. Elip. l. II c. 8 (p. 892): Iuliani quoque Pomerii prognostica ex sanctorum floribus  
 collecta patrum consideravimus nec ibi aliquid huius vestrae invenimus sectae depictum. 50